

Чик токтавр болджань лавта

Яшалтинск района Соленовск МТС-н клуб амтар дуурв. КПСС-н ЦК-н февральск Пленумин „Колхозн тосхлгин цааранд делгрлтин болн машинн-тракторн станцин бурдямджиг оньгдаруллгвна тускар“ гаргьсн токтаврар куундвр кехар механизатормуд болн Ленинэ нертэ колхозин члед цуглрцхав.

Нидн джил Соленовск МТС-н болн Ленинэ нертэ колхозин гардвр негдсмн. Тегад эн тускар ода баах дамшлт, колхозмудт техник хулдхмн, МТС-н бурдямджиг оньгдарулхмн гидж партин гаргьсн токтаврнь ик чик, цагин некрвлэ ирлцдяхинь узулджанэ. Гардвр нигдж негдснэ ашднь машид олзллгьн темдгтэ кевар ясрв. Технигиг колхозмуд хулддж авад, бийснь эзн болдж кбдлхлэ, машид олзллгьн улм ясрхнь лавта.

МТС-н болн колхозин гардвр негдүлсэр колхозникуд болн механизатормуд давсн джил ниинцнгуу саянар кбдлцхав, КПСС-н XX-ч хургин тавсн төрмуд куцалгьндэн турун диилвр барв. Хагсу ганьгта джил болсн бийднэ, эдн нам-

рар тарлг цагьан гуйрин буудя 10 центнер гектар болгьнас ургьадж, хурадж авч чадв. Малин шим-шуусн ббдлв, малд хотин корнь гаргьлгьн куцаньгьустэ болв, селанэ эдл-ахун цуг талин кбдлмш болзгтан кегдв.

Колхозд МТС н механизатормудин кургсн туснь йир ик. Эднэ шунмгьа орлцлгьгар колхоз бсдж батрв. Кунд кбдлмшт механизаци кехд МТС йилгьу ик төр куцав. Ода МТС трактормуд болн селанэ эдл-ахун талин машид яслгьан дуусчкьс, хаврин таранэ кбдлмшиг эклхдэн белн.

Колхозин болн МТС-н гардвр негдснэ хбт бийднэ колхозин кбдлмшт кесг шин юмн гарв. Комплексн производствени бригад бурдэгдв, тегад, урднь шуд. производствд эс кбдлдж йовсн улс сулдхгдад, малин, таранэ кбдлмшт орулгдцхав. Бригадирин нилч икяр ббдлв, специалист улсин кбдлмшт кургдг нбкднь ясрв.

Эн тоотиг дугтагьинь тоолад хургт бсдж уг келцхасн улс КПСС-н Пленумин токтавр—селанэ эдл-ахун кбдлчнрин ухан-седкдлэ тааста гидж герцлцхав.

—Селанэ эдл-ахун кбдлмшт 20 гар джил кбдлдж йовнав,— гидж МТС-н ах агроном ур Баденко келв.—МТС-н урдк ачнэ дала ик. Болв ода селанэ эдл-ахун баадл икар хуврв, МТС онцдан цааранднь баахлэ ик туста болшго. Колхозмудт кадрмуд бсв, технигиг эдн эзлдж, олзлдж чадхмн. Тегад техникд хойр эзн баадгиг уурулсн ик чик болхмн.

—1957 джилд мана колхоз 9 сай шаху арслнгуа ору авб,— гидж колхозин ахлач болн МТС-н директор ур Базюк келв.—Обрхн цагин эргцд технигиг хулдад авч чадх артманд баанэ.

Колхозин член ур Шведун урднь болхла МТС сан ургьц авхин төлэ икар гуджрдгс билэ, колхоз машид хулддж авад кбдлхлэ, тер йовдл уурхмн гидж чикяр заав.

Хург нег дуугьар Коммунистическ партин шин зааврин ик чик гидж збашарад, КПСС-н ЦК-н февральск Пленумин токтавриг даруд куцахмн гидж шиидв.

И. БАЗЮК,
Соленовск территориальн
парторганизацин сеглаяр.